

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

বৃহস্পতিবার, মে ২৫, ২০২৩

গণপ্রজাতন্ত্রী বাংলাদেশ সরকার  
পরিবেশ, বন ও জলবায়ু পরিবর্তন মন্ত্রণালয়  
প্রজ্ঞাপন

তারিখ: ০৯ জ্যৈষ্ঠ, ১৪৩০ বঙ্গাব্দ/২৩ মে, ২০২৩ খ্রিষ্টাব্দ

এস. আর. ও. নং-১৬৫-আইন/২০২৩—বাংলাদেশ পরিবেশ সংরক্ষণ আইন, ১৯৯৫ (১৯৯৫ সনের ১ নং আইন) এর ধারা ১৩ এ প্রদত্ত ক্ষমতাবলে, সরকার নিম্নরূপ নির্দেশিকা প্রণয়ন করিল, যথা :—

১। শিরোনাম ও প্রবর্তন।—(১) এই নির্দেশিকা সেন্টমার্টিন দ্বীপের পরিবেশ, প্রতিবেশ ও জীববৈচিত্র্য সংরক্ষণ এবং পরিবেশবান্ধব পর্যটন নির্দেশিকা, ২০২৩ নামে অভিহিত হইবে।

(২) ইহা অবিলম্বে কার্যকর হইবে।

২। সরকারি-বেসরকারী সংস্থা সমন্বয়ে ব্যবস্থাপনা।—সেন্টমার্টিন দ্বীপের পরিবেশ, প্রতিবেশ ও জীববৈচিত্র্য সংরক্ষণ এবং পরিবেশবান্ধব পর্যটন নিশ্চিতকল্পে নিম্নবর্ণিত মন্ত্রণালয়, বিভাগ, দপ্তর, সংস্থা ও অন্যান্য প্রতিষ্ঠান নিম্নরূপ কার্যক্রম গ্রহণ ও বাস্তবায়ন করিবে, যথা :—

ক্রমিক নম্বর	বিষয়	কার্যক্রম গ্রহণ ও বাস্তবায়ন	বাস্তবায়নকারী মন্ত্রণালয়, বিভাগ, দপ্তর, সংস্থা ও প্রতিষ্ঠান	
			প্রধান বাস্তবায়নকারী	বাস্তবায়ন সহযোগী
(১)	(২)	(৩)	(৪)	(৫)
১।	অবকাঠামো ও স্থাপনা নির্মাণ	সেন্টমার্টিন দ্বীপে যে কোনো ধরনের স্থাপনা বা অবকাঠামো নির্মাণের ক্ষেত্রে কক্সবাজার উন্নয়ন কর্তৃপক্ষ আইন, ২০১৬ (২০১৬ সনের ৭ নং আইন) অনুসরণ করা এবং প্রযোজ্য ক্ষেত্রে, পরিবেশ অধিদপ্তর ও বেসামরিক বিমান পরিবহন ও পর্যটন মন্ত্রণালয় হইতে অনাপত্তি গ্রহণ করা।	কক্সবাজার উন্নয়ন কর্তৃপক্ষ	(১) বেসামরিক বিমান পরিবহন ও পর্যটন মন্ত্রণালয় (২) পরিবেশ অধিদপ্তর

(৬২৫৯)

মূল্য : টাকা ১২.০০

(১)	(২)	(৩)	(৪)	(৫)
২।	সরকারি স্থাপনা, রেস্ট হাউজ, ডরমিটরি, হোস্টেল ইত্যাদি ব্যবহার	সরকারি বিভিন্ন সংস্থার স্থাপনা, স্টল হাউজ, ডরমিটরি, হোস্টেল, ইত্যাদি সরকারি কাজ ব্যতীত বাণিজ্যিকভাবে ব্যবহার না করা।	সংশ্লিষ্ট সরকারি প্রতিষ্ঠান বা কর্তৃপক্ষ	
৩।	পর্যটন ও পরিবহন ব্যবস্থাপনা	(১) সকল পর্যটক কর্তৃক সেন্টমার্টিন দ্বীপে ভ্রমণের জন্য অনলাইন রেজিস্ট্রেশন করা।	বেসামরিক বিমান পরিবহন ও পর্যটন মন্ত্রণালয়	জেলা প্রশাসন, কক্সবাজার
		(২) সেন্টমার্টিন দ্বীপে অবতরণের জন্য পর্যটকদের ফি নির্ধারণ করা।	বেসামরিক বিমান পরিবহন ও পর্যটন মন্ত্রণালয়	জেলা প্রশাসন, কক্সবাজার
		(৩) সেন্টমার্টিন দ্বীপে দিন প্রতি প্রকৃত ধারণ ক্ষমতা (Effective Real Carrying Capacity) অনুযায়ী পর্যটকের সংখ্যা নিশ্চিতকরণ।	বেসামরিক বিমান পরিবহন ও পর্যটন মন্ত্রণালয়	(১) বাংলাদেশ কোস্ট গার্ড (২) পরিবেশ অধিদপ্তর (৩) জেলা প্রশাসন, কক্সবাজার (৪) ট্যুরিস্ট পুলিশ (৫) উপজেলা প্রশাসন, টেকনাফ
		(৪) সেন্টমার্টিন দ্বীপের জীববৈচিত্র্য ও প্রতিবেশ রক্ষাকল্পে পর্যটক ও স্থানীয়দের জন্য অনুসরণীয় ও বর্জনীয় কার্যাবলির তালিকা সংবলিত নোটিশ, বিলবোর্ড বা প্রচারপত্র তৈরি এবং উহা সহজে দৃশ্যমান হয় দ্বীপের এইরূপ উন্মুক্ত স্থান, পর্যটক পরিবহন যান বা অনুরূপ স্থানে স্থাপন, প্রচার বা প্রকাশ করা।	পরিবেশ অধিদপ্তর	(১) বন অধিদপ্তর (২) বাংলাদেশ ট্যুরিজম বোর্ড (৩) জেলা প্রশাসন, কক্সবাজার
		(৫) চাহিদা বিবেচনায় ও বাস্তবতার নিরিখে মৎস্যজীবী, মৎস্য শিকারি ও ব্যবসায়ীদের জন্য দ্বীপে একটি পরিবেশবান্ধব মৎস্য অবতরণ ও বাজারজাত-	মৎস্য ও প্রাণিসম্পদ মন্ত্রণালয়	(১) বাংলাদেশ কোস্ট গার্ড (২) ট্যুরিস্ট পুলিশ (৩) উপজেলা প্রশাসন, টেকনাফ

(১)	(২)	(৩)	(৪)	(৫)
		<p>করণ কেন্দ্র নির্মাণ করা। মৎস্য শিকারের জন্য নির্ধারিত নৌযানে কোনো অবস্থাতে কোনো যাত্রী বা পর্যটক পরিবহন না করা। যদি কোনো মৎস্য শিকারী বা ব্যবসায়ী যাত্রী বা পর্যটক পরিবহন করেন তাহা হইলে সেন্টমার্টিন দ্বীপে তাহার মৎস্য শিকার বা ব্যবসার অনুমতি বাতিল করা।</p>		<p>(৪) সেন্টমার্টিন ইউনিয়ন পরিষদ</p>
		<p>(৬) বন অধিদপ্তর কর্তৃক মেরিন প্রটেক্টেড এরিয়ার কোর এলাকা চিহ্নিতকরণ এবং নির্ধারিত ল্যান্ডিং এলাকা ব্যতীত কোর এলাকায় যাহাতে কোনো পর্যটন জাহাজ প্রবেশ না করে তাহা নিশ্চিতকরণ।</p>	<p>বন অধিদপ্তর</p>	<p>(১) পরিবেশ অধিদপ্তর (২) জেলা প্রশাসন, কক্সবাজার (৩) ট্যুরিস্ট পুলিশ (৪) বাংলাদেশ কোস্ট গার্ড (৫) নৌপরিবহন অধিদপ্তর (৬) বাংলাদেশ ওশানোগ্রাফিক রিসার্চ ইনস্টিটিউট</p>
		<p>(৭) সেন্টমার্টিন দ্বীপের পর্যটন সংশ্লিষ্ট আইন-শৃঙ্খলা রক্ষা, নির্ধারিত নৌযানে অতিরিক্ত যাত্রী বা পর্যটক পরিবহন বন্ধ ও পরিবেশবান্ধব অবস্থা নিশ্চিত করিতে সংশ্লিষ্ট আইনের বিধান অনুযায়ী ড্রাম্যাগ আদালত পরিচালনা করা।</p>	<p>(১) জেলা প্রশাসন, কক্সবাজার (২) পরিবেশ অধিদপ্তর (৩) উপজেলা প্রশাসন, টেকনাফ</p>	<p>(১) নৌপরিবহন অধিদপ্তর (২) বাংলাদেশ কোস্ট গার্ড (৩) কক্সবাজার উন্নয়ন কর্তৃপক্ষ</p>

(১)	(২)	(৩)	(৪)	(৫)
		<p>(৮) পরিবেশবান্ধব পর্যটন ব্যবস্থাপনায় কমিউনিটি বেসড পর্যটনে স্থানীয় জনগণকে সম্পৃক্ত করা যেমন, স্থানীয় যুবকদের ট্যুরিস্ট গাইড হিসাবে প্রশিক্ষিত করিয়া টেকসই পরিবেশবান্ধব পর্যটনে অবদান নিশ্চিতকরণ।</p>	<p>(১) বেসামরিক বিমান পরিবহন ও পর্যটন মন্ত্রণালয় (২) জেলা প্রশাসন, কক্সবাজার</p>	<p>(১) বাংলাদেশ ট্যুরিজম বোর্ড (২) পরিবেশ অধিদপ্তর (৩) যুব উন্নয়ন অধিদপ্তর (৪) বাংলাদেশ কোস্ট গার্ড (৫) উপজেলা প্রশাসন, টেকনাফ (৬) কক্সবাজার উন্নয়ন কর্তৃপক্ষ (৭) বিচ ম্যানেজমেন্ট কমিটি, কক্সবাজার</p>
		<p>(৯) সমুদ্রে শৈবাল ও কোরাল এর পুনর্জন্ম (regeneration) নির্বিল্ল রাখিতে পর্যটকবাহী জাহাজ ঘাটে ভিড়িবার সময় গতি নিয়ন্ত্রণ করাসহ তীর হইতে নিরাপদ দূরত্বে (কমপক্ষে ২০০ মিটার দূরে) জেটিতে নোঙর নিশ্চিতকরণ।</p>	<p>(১) বেসামরিক বিমান পরিবহন ও পর্যটন মন্ত্রণালয় (২) নৌপরিবহন অধিদপ্তর</p>	<p>(১) বাংলাদেশ কোস্ট গার্ড (২) ট্যুরিস্ট পুলিশ (৩) জেলা প্রশাসন, কক্সবাজার (৪) উপজেলা প্রশাসন, টেকনাফ</p>
৪।	ভূমি ব্যবস্থাপনা	<p>(১) সেন্টমার্টিন দ্বীপে ভূমি ব্যবস্থাপনার ক্ষেত্রে বিদ্যমান আইন, বিধি ও নীতিমালার সঙ্গে প্রতিবেশগত সংকটাপন্ন এলাকা ব্যবস্থাপনা বিধিমালা, ২০১৬ এর সংশ্লিষ্ট বিধানসমূহ প্রতিপালন।</p>	কক্সবাজার উন্নয়ন কর্তৃপক্ষ	<p>(১) ভূমি মন্ত্রণালয় (২) আইন ও বিচার বিভাগ (৩) পরিবেশ অধিদপ্তর (৪) জেলা প্রশাসন, কক্সবাজার</p>
		<p>(২) কক্সবাজার উন্নয়ন কর্তৃপক্ষ কর্তৃক সেন্টমার্টিন দ্বীপে ভূমি মন্ত্রণালয়, পরিবেশ অধিদপ্তর বা সংশ্লিষ্ট অন্যান্য প্রতিষ্ঠানের কারিগরি ও প্রাসঙ্গিক সহায়তা</p>	কক্সবাজার উন্নয়ন কর্তৃপক্ষ	<p>(১) ভূমি মন্ত্রণালয় (২) জেলা প্রশাসন, কক্সবাজার (৩) পরিবেশ অধিদপ্তর (৪) বন অধিদপ্তর</p>

(১)	(২)	(৩)	(৪)	(৫)
		<p>নিয়া ভূমি জোনিং ও ম্যাপ প্রণয়ন করা এবং সংশ্লিষ্ট অন্যান্য সকলের সঙ্গে পরামর্শক্রমে অবকাঠামো নির্মাণ বা পুনর্নির্মাণের বিষয়ে একটি মাস্টারপ্ল্যান তৈরি করা।</p>		<p>(৫) বাংলাদেশ ওশানোগ্রাফিক রিসার্চ ইনস্টিটিউট</p>
৫।	<p>দ্বীপের পরিষ্কার-পরিচ্ছন্নতা, বর্জ্য ব্যবস্থাপনা, ইত্যাদি</p>	<p>(১) টেকনাফ উপজেলা ও সেন্টমার্টিন দ্বীপে পরিবেশসম্মত সেকেন্ডারি ডাম্পিং স্টেশন স্থাপন ও ব্যবস্থাপনা করা।</p> <p>(২) সেন্টমার্টিন দ্বীপের সকল স্থান সার্বক্ষণিক পরিষ্কার-পরিচ্ছন্ন রাখিবার জন্য প্রয়োজনীয় সংখ্যক স্থানীয় বাসিন্দাদের নিয়া একটি স্বেচ্ছাসেবক দল গঠন করা।</p> <p>(৩) সেন্টমার্টিন দ্বীপের সকল প্রতিষ্ঠানের মালিক বা তত্ত্বাবধানকারীগণ কর্তৃক স্থায়ী ব্যবস্থাপনায় ও উদ্যোগে নিজ নিজ বর্জ্য সেকেন্ডারি ডাম্পিং স্টেশনে এবং স্থানীয় বাসিন্দাগণ কর্তৃক নিজ নিজ বর্জ্য পরিবেশসম্মত ব্যাগে ভর্তি করিয়া বাড়ির সামনে দৃশ্যমান স্থানে রাখা। কক্সবাজার উন্নয়ন কর্তৃপক্ষ ও সেন্টমার্টিন ইউনিয়ন পরিষদ কর্তৃক পরিবেশসম্মত উপায়ে উক্ত বর্জ্য সংগ্রহ করিয়া সেকেন্ডারি ডাম্পিং স্টেশনে ডাম্প করা।</p>	<p>(১) সেন্টমার্টিন ইউনিয়ন পরিষদ</p> <p>(২) উপজেলা প্রশাসন, টেকনাফ</p> <p>(১) সেন্টমার্টিন ইউনিয়ন পরিষদ</p> <p>(২) উপজেলা প্রশাসন, টেকনাফ</p> <p>(১) সেন্টমার্টিন ইউনিয়ন পরিষদ</p> <p>(৩) কক্সবাজার উন্নয়ন কর্তৃপক্ষ</p>	<p>(১) জেলা প্রশাসন, কক্সবাজার</p> <p>(২) পরিবেশ অধিদপ্তর</p> <p>(৩) কক্সবাজার উন্নয়ন কর্তৃপক্ষ</p> <p>জেলা প্রশাসন, কক্সবাজার</p> <p>(১) স্থানীয় সরকার বিভাগ</p> <p>(২) পরিবেশ অধিদপ্তর</p> <p>(৩) জেলা প্রশাসন, কক্সবাজার</p> <p>(৪) টেকনাফ উপজেলা পরিষদ</p>

(১)	(২)	(৩)	(৪)	(৫)
		(৪) সেকেন্ডারি ডাম্পিং স্টেশন হইতে সকল প্রকার ময়লা ও বর্জ্য দ্বীপের বাহিরে পরিবেশবান্ধবভাবে মূল ভূখণ্ডে স্থানান্তরের প্রয়োজনীয় ব্যবস্থা গ্রহণ। সেন্টমার্টিন দ্বীপে ও সমুদ্রবক্ষে বর্জ্য ও পয়ঃবর্জ্য অননুমোদিতভাবে নিঃসরণ না করা।	(১) সেন্টমার্টিন ইউনিয়ন পরিষদ	(১) উপজেলা প্রশাসন, টেকনাফ (২) ট্যুরিস্ট পুলিশ (৩) পরিবেশ অধিদপ্তর (৪) কক্সবাজার উন্নয়ন কর্তৃপক্ষ
		(৫) সেন্টমার্টিন দ্বীপে চলাচলকারী কোনো নৌযান বা জাহাজ যদি দ্বীপে ও সমুদ্রবক্ষে বর্জ্য ও পয়ঃবর্জ্য নিঃসরণ করে তাহা হইলে উক্ত নৌযান বা জাহাজের বুট পারমিট বাতিলসহ জাহাজ চলাচল বন্ধ করা।	নৌপরিবহন অধিদপ্তর	(১) জেলা প্রশাসন, কক্সবাজার (২) উপজেলা প্রশাসন, টেকনাফ (৩) ট্যুরিস্ট পুলিশ (৪) বাংলাদেশ কোস্ট গার্ড
		(৬) নৌপরিবহন মন্ত্রণালয়ের অনুমতিপ্রাপ্ত সেন্টমার্টিন দ্বীপে চলাচলকারী সকল জাহাজে পর্যাপ্ত পরিমাণ বিন স্থাপন, বর্জ্য পরিশোধন ব্যবস্থা বা অনুরূপ ব্যবস্থা করা এবং উহার ব্যবহার নিশ্চিতকরণ।	নৌপরিবহন অধিদপ্তর	(১) পরিবেশ অধিদপ্তর (২) জেলা প্রশাসন, কক্সবাজার (৩) উপজেলা প্রশাসন, টেকনাফ (৪) ট্যুরিস্ট পুলিশ
		(৭) সেন্টমার্টিন দ্বীপে জৈবিকভাবে পচনশীল, জৈবিকভাবে অপচনশীল ও গার্ডস্থ্য ঝুঁকিপূর্ণ কঠিন বর্জ্যের জন্য পৃথক পৃথক বিন বা প্রকোষ্ঠের ব্যবস্থা করা।	(১) সেন্টমার্টিন ইউনিয়ন পরিষদ (২) পরিবেশ অধিদপ্তর	(১) জেলা প্রশাসন, কক্সবাজার (২) কক্সবাজার উন্নয়ন কর্তৃপক্ষ (৩) উপজেলা প্রশাসন, টেকনাফ
		(৮) সেন্টমার্টিন দ্বীপে চলাচলকারী সকল প্রকার জলযান এবং দ্বীপে পলিথিন ও প্লাস্টিক পাত্রে খাবার, চিপস এবং প্লাস্টিক বোতলে পানি ও যে কোনো ধরনের পানীয়, পলিথিন বা	(১) পরিবেশ অধিদপ্তর (২) নৌপরিবহন অধিদপ্তর	(১) জেলা প্রশাসন, কক্সবাজার (২) কক্সবাজার উন্নয়ন কর্তৃপক্ষ

(১)	(২)	(৩)	(৪)	(৫)
		<p>প্লাস্টিকজাত মাল্টি-লেয়ার মোড়কসহ পণ্য, পলিথিক ব্যাগ বা সিঙ্গেল ইউজ প্লাস্টিকজাত সকল পণ্য যেমন, ওয়ান টাইম গ্লাস, প্লেট, কাপ ও অন্যান্য তৈজসপত্র, জুসের স্ট্র, সার্জিক্যাল গ্লাভস, মাস্ক, স্টাইরোফোম ফুড প্যাকেজ, কাপি স্টিয়ার্স, ললিপপ কভার, সিগারেট ফিল্টার্স, কটন বাডস, ইত্যাদি উৎপাদন, সংরক্ষণ, মজুদ, পরিবহন, ক্রয়, বিক্রয় বা ব্যবহার নিষিদ্ধকরণ।</p>		<p>(৩) সেন্টমার্টিন ইউনিয়ন পরিষদ (৪) বাংলাদেশ কোস্ট গার্ড</p>
৬।	পরিবেশ, প্রতিবেশ ও জীববৈচিত্র্য সংরক্ষণ	<p>(১) সেন্টমার্টিন দ্বীপের নিস্তদ্ধতা ও শান্তি বজায় রাখা, জীববৈচিত্র্য সংরক্ষণ ও উন্নয়ন এবং বিচ এলাকায় চলাচলকারী সামুদ্রিক প্রাণিসমূহের প্রজনন নির্বিঘ্ন রাখিবার জন্য দ্বীপে যেকোনো প্রকার আলো ও আগুন জ্বালানো, ফানুস ও আতশবাজি এবং শব্দদূষণ সৃষ্টিকারী মাইক, সাউন্ডবক্স কিংবা কোনো ডিভাইস বা অনুবূপ কোনো কিছু ব্যবহার না করা।</p> <p>(২) সেন্টমার্টিন দ্বীপে ব্যবহৃত জেনারেটরে শব্দশোষণ যন্ত্র সংযোজনকরত বদ্ধ স্থানে স্থাপন এবং শব্দদূষণ (নিয়ন্ত্রণ) বিধিমালা, ২০০৬ এ নির্ধারিত মানমাত্রা অনুযায়ী শব্দ সহনীয় পর্যায়ে রাখা।</p>	<p>(১) পরিবেশ অধিদপ্তর (২) জেলা প্রশাসন, কক্সবাজার</p> <p>পরিবেশ অধিদপ্তর</p>	<p>(১) বাংলাদেশ পুলিশ (২) বাংলাদেশ কোস্ট গার্ড (৩) ট্যুরিস্ট পুলিশ (৪) সেন্টমার্টিন ইউনিয়ন পরিষদ (৫) কক্সবাজার উন্নয়ন কর্তৃপক্ষ</p> <p>(১) জেলা প্রশাসন, কক্সবাজার (২) বাংলাদেশ পুলিশ (৩) উপজেলা প্রশাসন, টেকনাফ (৪) বাংলাদেশ কোস্ট গার্ড</p>

(১)	(২)	(৩)	(৪)	(৫)
		<p>(৩) সেন্টমার্টিন দ্বীপে শব্দদূষণ রোধে মোটরযান ও যন্ত্রচালিত যানবাহন যেমন, মোটর সাইকেল, ভটভটি, নছিমন, করিমন এবং ব্যাটারিচালিত যানবাহন নিষিদ্ধকরণ। তবে, মনুষ্যচালিত যানবাহন যেমন, রিক্সা, ভ্যান ও সাইকেল ব্যবহার করা যাইবে। এই সকল যানবাহনকে নির্ধারিত সড়কে চলাচল করিতে হইবে। কোনোক্রমেই বিচে রিক্সা, ভ্যান, সাইকেল ও মটর সাইকেল ইত্যাদি চলাচল না করা।</p>	<p>(১) জেলা প্রশাসন, কক্সবাজার (২) সেন্টমার্টিন ইউনিয়ন পরিষদ</p>	<p>(১) উপজেলা প্রশাসন, টেকনাফ (২) বাংলাদেশ পুলিশ (৩) বাংলাদেশ কোস্ট গার্ড (৪) কক্সবাজার উন্নয়ন কর্তৃপক্ষ</p>
		<p>(৪) সেন্টমার্টিন দ্বীপকে ঝড় ও ভাঙনের হাত থেকে রক্ষা করিবার জন্য পরিবেশ অধিদপ্তর ও জেলা প্রশাসনের সহায়তা নিয়া উপকূলীয় বনবিভাগ কর্তৃক সেন্টমার্টিন দ্বীপে প্রয়োজন অনুযায়ী বৃক্ষরোপণ কর্মসূচি, ম্যানগ্রোভ ও কেয়া বেঙ্গনী সৃজন এবং রক্ষণাবেক্ষণ কার্যক্রম তদারকি করা।</p>	<p>বন অধিদপ্তর</p>	<p>(১) জেলা প্রশাসন, কক্সবাজার (২) পরিবেশ অধিদপ্তর</p>
		<p>(৫) সৈকত সংলগ্ন এলাকায় কেয়াবন ও ঝোপঝাড় ধ্বংস, অতিরিক্ত ভূগর্ভস্থ পানি উত্তোলন, নৌকার নোঙর ফেলিয়া প্রবাল ধ্বংস, প্রবাল ও শৈবালযুক্ত পাথরের উপর হাঁটাচলা, জ্বালানির জন্য কেয়াবন, প্যারাবন ও গাছপালা কাটা এবং জোয়ারভাটা অঞ্চল ও দ্বীপের অভ্যন্তর, সৈকত ও সমুদ্র এলাকা থেকে পাথর উত্তোলন না করা।</p>	<p>পরিবেশ অধিদপ্তর</p>	<p>(১) বাংলাদেশ কোস্ট গার্ড (২) বাংলাদেশ পুলিশ (৩) ট্যুরিস্ট পুলিশ (৪) জেলা প্রশাসন, কক্সবাজার (৫) সেন্টমার্টিন ইউনিয়ন পরিষদ</p>



(১)	(২)	(৩)	(৪)	(৫)
		<p>(৬) সেন্টমার্টিন দ্বীপের সৈকতে চলাচলকারী বিরল প্রজাতির কাছিমের প্রজনন নিরাপদ রাখা এবং কাছিমের ডিম ও জীববৈচিত্র্য রক্ষার জন্য কুকুরের উপদ্রব বা অনুরূপ অন্য কোনো সমস্যা সৃষ্টকারী প্রাণী থাকিলে তাহা সংশ্লিষ্ট সকলের সঙ্গে আলোচনা ও পরামর্শ গ্রহণ করিয়া টেকনাফ অথবা অন্য কোনো সুবিধাজনক স্থানে স্থানান্তরের ব্যবস্থা গ্রহণ করা।</p>	<p>(১) কক্সবাজার উন্নয়ন কর্তৃপক্ষ (২) উপজেলা প্রশাসন, টেকনাফ (৩) সেন্টমার্টিন ইউনিয়ন পরিষদ</p>	<p>(১) মৎস্য ও প্রাণিসম্পদ মন্ত্রণালয় (২) বন অধিদপ্তর (৩) বাংলাদেশ ওশানোগ্রাফিক রিসার্চ ইনস্টিটিউট</p>
		<p>(৭) সামুদ্রিক কাছিম, পাখি, প্রবাল, শামুক, বিনুক, তারা মাছ, রাজকাঁকড়া, সামুদ্রিক ঘাস, সামুদ্রিক শৈবাল এবং কেয়া ফল সংগ্রহ ও ক্রয়-বিক্রয় না করা।</p>	<p>(১) পরিবেশ অধিদপ্তর (২) বন অধিদপ্তর</p>	<p>(১) জেলা প্রশাসন, কক্সবাজার (২) ট্যুরিস্ট পুলিশ (৩) বাংলাদেশ কোস্ট গার্ড (৪) উপজেলা প্রশাসন, টেকনাফ (৫) সেন্টমার্টিন ইউনিয়ন পরিষদ</p>
		<p>(৮) জাহাজ থেকে পাখিকে চিপস বা অন্য কোনো খাবার পরিবেশন না করা।</p>	<p>(১) বেসামরিক বিমান পরিবহন ও পর্যটন মন্ত্রণালয় (২) নৌপরিবহন অধিদপ্তর</p>	<p>(১) বাংলাদেশ কোস্ট গার্ড (২) ট্যুরিস্ট পুলিশ (৩) পরিবেশ অধিদপ্তর (৪) জেলা প্রশাসন, কক্সবাজার</p>

(১)	(২)	(৩)	(৪)	(৫)
		<p>(৯) অনিয়ন্ত্রিত পর্যটনের ফলে সেন্টমার্টিন দ্বীপের পরিবেশ ও প্রতিবেশগত ক্ষতি এবং অর্থনীতিতে অবদানের আর্থিক মূল্য (Economic Evaluation) নিরূপণ করা।</p>	<p>বাংলাদেশ ওশানোগ্রাফিক রিসার্চ ইনস্টিটিউট</p>	<p>(১) পরিবেশ অধিদপ্তর (২) উন্নয়ন সহযোগী সংস্থা (৩) Center for Environmental and Geographic Information Services (CEGIS)</p>
		<p>(১০) সেন্টমার্টিন দ্বীপের চারপাশে কেয়া বেষ্টিত পুনরুদ্ধার (Restoration) এবং অন্তর্জল অঞ্চল (Intertidal Zone)-কে পর্যটন কার্যক্রমের বাহিরে রাখিবার জন্য এলাকা চিহ্নিতকরণের উদ্যোগ গ্রহণ করা।</p>	<p>বন অধিদপ্তর</p>	<p>(১) ভূমি মন্ত্রণালয় (২) নৌপরিবহন মন্ত্রণালয় (৩) বাংলাদেশ কোস্ট গার্ড (৪) ট্যুরিস্ট পুলিশ (৫) মৎস্য ও প্রাণিসম্পদ মন্ত্রণালয় (৬) পররাষ্ট্র মন্ত্রণালয় (Teritorial Waters and Maritime Zones Act, 1974 বিবেচনায়) (৭) জেলা প্রশাসন, কক্সবাজার (৮) পরিবেশ অধিদপ্তর (৯) CEGIS (১০) Center for Natural Resources Studies (CNRS) (১১) বিচ ম্যানেজমেন্ট কমিটি, কক্সবাজার</p>
		<p>(১১) সেন্টমার্টিন দ্বীপে সৈকতের ভাঙন রোধে যথাযথ কর্তৃপক্ষের অনুমতি ব্যতিরেকে জিও ব্যাগ বা পাথর ফেলিয়া বাঁধ নির্মাণ অথবা অনুরূপ কোনো কার্যক্রম গ্রহণ না করা।</p>	<p>কক্সবাজার উন্নয়ন কর্তৃপক্ষ</p>	<p>(১) বাংলাদেশ পুলিশ (২) পরিবেশ অধিদপ্তর (৩) জেলা প্রশাসন, কক্সবাজার (৪) ট্যুরিস্ট পুলিশ (৫) কোস্ট গার্ড (৬) বাংলাদেশ পানি উন্নয়ন বোর্ড</p>

১	২	৩	৪	৫
৭।	কতিপয় ক্ষেত্রে পূর্বানুমতি গ্রহণ	(১) সেন্টমার্টিন দ্বীপে জীববৈচিত্র্য, প্রাকৃতিক সম্পদ বা খনিজ সম্পদ বিষয়ে কোনো অনুসন্ধান, সমীক্ষা বা গবেষণা, নমুনা সংগ্রহ, মহড়া ও প্রশিক্ষণ পরিচালনা করা।	পরিবেশ অধিদপ্তর	(১) জ্বালানি ও খনিজ সম্পদ বিভাগ (২) বাংলাদেশ ওশানোগ্রাফিক রিসার্চ ইনস্টিটিউট
		(২) সেন্টমার্টিন দ্বীপে কোনো শিক্ষা সফর, দলবদ্ধ ভ্রমণ, সেমিনার, কর্মশালা, রিপোর্টিং, শূটিং, স্বৈচ্ছাসেবী প্রতিষ্ঠান কর্তৃক পরিচালিত সামাজিক দায়বদ্ধতা কার্যক্রম, কনফারেন্স, আউটরিচ কার্যক্রম, সী বিচ স্পোর্টস বা অনুরূপ কার্যক্রম পরিচালনা করা।	(১) জেলা প্রশাসন, কক্সবাজার (২) পরিবেশ অধিদপ্তর	(১) কক্সবাজার উন্নয়ন কর্তৃপক্ষ (২) টুরিস্ট পুলিশ
		(৩) সেন্টমার্টিন দ্বীপে ও মেরিন প্রটেক্টেড এরিয়ায় মনুষ্যচালিত আকাশযান (হেলিকপ্টার, সী প্লেন, ইত্যাদি), মনুষ্যবিহীন ডিভাইস (ড্রোন) ও ফ্লুবা ডাইভিং, মেরিন প্যারাগ্লাইডিং বা অনুরূপ কিছু পরিচালনা করা।	(১) বেসামরিক বিমান পরিবহন ও পর্যটন মন্ত্রণালয় (২) জেলা প্রশাসন, কক্সবাজার	(১) কোস্ট গার্ড (২) বাংলাদেশ পুলিশ

৩। অস্পষ্টতা দূরীকরণ।—সরকার, এই নির্দেশিকার কোনো অস্পষ্টতার কারণে কোনো দায়িত্ব পালন ও কার্যাবলি সম্পাদনে কোনো অসুবিধা দেখা দিলে, সাধারণ বা বিশেষ আদেশ জারির মাধ্যমে, স্পষ্টীকরণ বা ব্যাখ্যা প্রদানকরত উক্ত বিষয়ে প্রয়োজনীয় দিক নির্দেশনা প্রদান করিতে পারিবে।

রাষ্ট্রপতির আদেশক্রমে

ড. ফারহিনা আহমেদ  
সচিব।

মোস্তাফিজুর রহমান, উপপরিচালক (ভারপ্রাপ্ত), বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।  
ব্রেনজন চামুগং, উপপরিচালক (উপসচিব), (অতিরিক্ত দায়িত্ব) বাংলাদেশ ফরম ও প্রকাশনা  
অফিস, তেজগাঁও, ঢাকা কর্তৃক প্রকাশিত। website: www.bgpress.gov.bd